

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
Komisija za provođenje izbora**

IZVJEŠTAJ
o provedenim izborima u Mjesnoj zajednici Željeznička Stanica

Kakanj, maj 2023. godine.

Rješenjem Općinskog vijeća broj: 01/1-27-118/23 od 30.03.2023. godine imenovana je Komisija za provođenje izbora u mjesnoj zajednici Željeznička Stanica. Komisija je u skladu sa ranije usvojenim Programom aktivnosti na provođenju izbora u mjesnim zajednicama izvršila:

1. Izrada javnog poziva

Javni poziv objavljen je dana 11.04.2023. godine na internet stranici općine Kakanj i facebook-u Općine Kakanj. Javni poziv umnožen je u više primjeraka formata A4, te isti izvješten na vidna mjesta u naseljima Željeznička Stanica i Slijevnice.

Javni poziv sadržavao je dan održavanja izbora, naziv biračkog mjesta, tačno vrijeme i mjesto predviđeno za održavanje izbora.

Pored navedenog, građani su obaviješteni da kandidacijske liste mogu preuzeti u Službi za opću upravu radne i zajedničke poslove, lokalnu samoupravu i mjesne zajednice.

2. Kandidatski list i izjava o prihvatanju kandidature

Kandidatski list u skladu sa Uputstvom za podnošenje i ovjeru kandidatskih lista sadrži: ime i prezime kandidata, adresu stanovanja, naziv MZ i podružnice za koju se predlaže, kontakt telefon i datum. Uz ove podatke, nalazili su se podaci o predlagачu (naziv organizacije, adresa-sjedište kontakt telefon). Izjava o prihvatanju sadržavala je podatke o kandidatu, adresi, potpis i datum.

Kandidatski list izrađen je na identičan način kao i za ranije provedene izbore tajnim glasanjem u mjesnim zajednicama.

3. Utvrđivanje i donošenje odluke o biračkom mjestu

Komisija je na prijedlog građana odredila jedno biračko mjesto i to u poslovnom prostoru koje se nalazi u vlasništvu Hadrović Amira.

4. Birački spisak

Kao i u ranijem postupku provođenja izbora za birački spisak Mjesne zajednice Željeznička Stanica korištena je softverska aplikacija Centralne izborne komisije Bosne i Hercegovine, na bazi koje je sačinjen birački spisak.

Birački spisak identičan je spisku koji se koristi za Opće i Lokalne izbore.

5. Glasачka kutija i pečati

U cilju transparentnog postupka glasanja u Mjesnoj zajednici Željeznička Stanica korištena je glasačka kutija Općinske izborne komisije Kakanj sa pratećim pečatima.

6. Brojanje glasova i objava preliminarnih rezultata izbora

Kako se praksa brojanja glasova, odmah nakon zatvaranja biračkog mjesta pokazala praktičnom i zadovoljavajućom sa aspekta kandidata koji se nalaze na glasačkim listićima, Komisija je i u ovom slučaju odlučila brojati glasove na licu mjesta.

U Mjesnoj zajednici Željeznička Stanica postupku brojanja glasova prisustvovao je jedan kandidat koji se nalazio na glasačkim listićima kao i jedan zainteresovani građanin. Preliminarni i nepotvrđeni rezultati učinjeni su dostupnim istog dana, kako predloženim kandidatima, tako i građanima ove mjesne zajednice.

MJESNA ZAJEDNICA	Upisano u CBS	Glasalo	Predsjednik i članovi Savjeta	Osvojio glasova
ŽELJEZNIČKA STANICA	593	136	Šaćir Haračić Hasan Hasagić Robert Ramljak Tarik Jusupović Faruk Begić Mahir Jašarspahić Almir Kulović Nedžad Hasagić	51 49 34 29 24 17 13 11

Kandidat Šaćir Haračić osvojio je najveći broj glasova, pa se predlaže za predsjednika Savjeta Mjesne zajednice Željeznička Stanica shodno odredbama člana 80. Statuta Općine Kakanj.

Mandat predloženih članova Savjeta, Mjesne zajednice Željeznička stanica, traje do provođenja redovnih izbora za sve mjesne zajednice Općine Kakanj 2025. godine.

7. Prigovori i primjedbe

Na rad i odluke Komisije nije bilo pismenih primjedbi i prigovora. Iako je Komisija izradila Upustvo o procedurama za akreditiranje posmatrača, prijedloga za posmatrača nije bilo.

PRIJEDLOG KOMISIJE

Shodno gore navedenom, predlaže se Općinskom vijeću Općine Kakanj da usvoji Izvještaj Komisije i potvrdi izborne rezultate za članove Savjeta u Mjesnoj zajednici Željeznička Stanica.

Komisija za provođenje izbora